

西安碑林全集

開成石經

第一三七卷 禮記



漱櫛縱笄總拂髭冠綏纓
端韞紳韜笏左右佩用左
佩紛悅刀礪小觶金燧右
佩玦捍管帶大觶木燧偏
屨著綦婦事舅姑如事父
母雞初鳴咸盥漱櫛縱笄

總衣紳左佩紛帨刀礪小
鑄金燧右佩箴管線續
般系袞大觶木燧衿纓綦屨
以適父母舅姑之所及所
下氣怡聲問衣燠寒疾疢
苛養而敬抑搔之出入則

或先或後而敬扶持之進
盥少者奉槃長者奉水請
沃盥盥卒授巾問所欲而
敬進之柔色以溫之饴醢
酒醴芼羞羹菽麥蕡稻黍粱
秣唯所欲束束栗飴蜜以甘

之堇荳粉榆兔薨脩隨以
滑之脂膏以膏之父母舅
姑必嘗之而后退男女未
冠笄者雞初鳴咸盥漱櫛
縱拂髦總角衿纓皆佩容
臭昧爽而朝問何食飲矣

若已食則退若未食則佐
長者視具凡內外雞初鳴
咸盥漱衣服斂枕簟灑埽
室堂及庭布席各從其事
孺子蚤寢晏起唯所欲食
無時由命士以上父子皆

異宮昧爽而朝慈以百甘
日出而退各從其事日入
而夕慈以百甘父母舅姑
將坐奉席請何鄉將衽長
者奉席請何趾少者執牀
與坐御者舉几斂席與簞

縣衾篋枕斂簟而禡之父
母舅姑之衣衾簟席枕几
不傳杖屨祗敬之勿敢近
敦牟卮匱非餼莫敢用與
恒食飲非餼莫之敢飲食
父母在朝夕恒食子婦佐

餽既食恒餽父沒母存家
子御食羣子婦佐餽如初
旨甘柔滑孺子餽在父
母舅姑之所有命之應唯
敬對進退周旋慎齊升降
出入揖遜不敢噦噫噍噍

欠伸跛倚睥視不敢唾洩
寒不敢龍衣癢食不敢搔不有
敬事不敢袒裼不涉不擻
褻衣衾不見裏父母唾洩
不見冠帶垢和灰請漱衣
裳垢和灰請漱衣裳綻裂

紉箴請補綴五日則燂湯
請浴三日具沐其間面垢
燂潘請澣足垢燂湯請洗
少事長賤事貴共帥時男
不言內女不言外非祭非
喪不相授器其相授則女

受以備其無備則皆坐奠
之而后取之外內不共井
不共湔浴不通寢席不通
笄假男女不通衣裳內言
不出外言不入男子入內
不嘯不指夜行以燭無燭

則止女子出門必擁蔽其
面夜行以燭無燭則止道
路男子由右女子由左子
婦孝者敬者父母舅姑之
命勿逆勿怠若飲食之雖
不嗜必嘗而待加之衣服

雖不欲必服而待加之事
人代之己雖弗欲姑與之
而姑使之而后復之子婦
有勤勞之事雖甚愛之姑
縱之而寧數休之子婦未
孝未敬勿庸疾怨姑教之

若不可教而后怒之不可
怒子放婦出而不表禮焉
父母有過下氣怡色柔聲
以諫諫若不入起敬起孝
說則復諫不說與其得罪
於鄉黨州閭寧孰諫父母

怒不說而撻之流血不敢
疾怨起敬起孝父母有婢
子若庶子庶孫甚愛之雖
父母沒沒身敬之不衰子
有二妾父母愛一人焉子
愛一人焉由衣服飲食由

執事毋敢親父母所愛雖
父母沒不衰子甚宜其妻
父母不說出子不宜其妻
父母曰是善事我子行夫
婦之禮焉沒身不衰父母
雖沒將爲善思貽父母令